



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU POKRET ZA BOLJE BRČKO-ĐAPO MIRSAD

Broj: 03-07-6-325/20  
Sarajevo, 09.07.2021. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole.....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE .....	5
5.1 NALAZI.....	5
5.2. PREPORUKE .....	7

## MIŠLJENJE REVIZORA

Služba za reviziju finansiranja političkih stranaka izvršila je pregled finansijskog izvještaja Pokreta za bolje Brčko-Đapo Mirsad za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je Pokret za bolje Brčko-Đapo Mirsad prekršio odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.**

**Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskog izvještaja Pokreta za bolje Brčko-Đapo Mirsad za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Pokreta za bolje Brčko-Đapo Mirsad, stranka nije imala prihode, što se vidi iz tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica ( 3-a )	0,00	
3.	Prilozi pravnih lica ( 3-b )	0,00	
4.	Prihodi od imovine ( 3-c )	0,00	
5.	Prihodi od dobiti preduzeća u vlasništvu političke stranke ( 3-d )	0,00	
6.	Prihodi od poklona ( 3-e )	0,00	
7.	Prihodi iz budžeta ( 3-f )	0,00	
8.	Prihodi od propagande ( 3-g )	0,00	
<b>I</b>	<b>Ukupni prihodi (1-8)</b>	<b>0,00</b>	
<b>II</b>	<b>Ostali prihodi i drugo</b>	<b>0,00</b>	
	<b>Izvori finansiranja (I+II)</b>	<b>0,00</b>	

U godišnjem finansijskom izvještaju za 2019. godinu stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke: Pokret za bolje Brčko-Đapo Mirsad. Skraćeni naziv stranke je PBB-Đapo Mirsad.

Pokret za bolje Brčko-Đapo Mirsad je registrovan kod Osnovnog suda u Brčko distriktu BiH, rješenjem broj: 096-0-F1-16-000037 od 22.04.2016. godine.

Sjedište stranke je u Brčko distriktu BiH, Bulevar mira broj 20.

Lice ovlašteno za predstavljanje i zastupanje stranke u 2019. godini je Mirsad Đapo, predsjednik stranke i Muhamed Spahalić, sekretar stranke.

Lice ovlašteno za podnošenje finansijskih izvještaja za 2019. godinu je Muhamed Spahalić.

Prema podacima iz godišnjeg finansijskog izvještaja za 2019. godinu, Pokret za bolje Brčko- Đapo Mirsad ima sljedeću organizacionu strukturu:

- Pokret za bolje Brčko-Đapo Mirsad.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaji Pokreta za bolje Brčko-Đapo Mirsad za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Pokreta za bolje Brčko-Đapovo Mirsad obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju izvršila je reviziju i pregled finansijskih izvještaja Pokreta za bolje Brčko-Đapovo Mirsad u periodu od 2016. do 2017. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Služba za reviziju je izvršila reviziju godišnjeg finansijskog izvještaja Pokreta za bolje Brčko-Đapovo Mirsad za 2017. godinu, nakon čega je izdat izvještaj o reviziji sa mišljenjem revizora, nalazima i preporukama stranci: da vodi evidencije o prihodima, bez obzira na koji način ih ostvaruje, da dostavlja dodatnu dokumentaciju koju od nje zatraži Centralna izborna komisija BiH, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka. Služba za reviziju nije vršila pregled godišnjeg finansijskog izvještaja za 2018. godinu.

Stranka je dana 09.04.2020. godine dostavila dopis, broj: 02/20 od 17.03.2020. godine, kojim je obavjestila Centralnu izbornu komisiju BiH da je stranka podnijela zahtjev Sudu u Brčko Distriktu BiH za gašenje stranke uz dostavljenu kopiju podnesenog zahtjeva koji je zaprimljen od strane Osnovnog suda u Brčkom dana 26.02.2020. godine. U dopisu stranka je naglasila da stranka nije aktivna od Lokalnih izbora 2016. godine i da je zbog nedostatka sredstava i podnijela zahtjev za brisanje iz sudskog registra. Centralna izborna komisija je po službenoj dužnosti uputila akt, broj: 03-07-6-325-5/20 od 21.01.2021. godine Osnovnom sudu u Brčko Distriktu BiH, da joj dostave informacije o statusu političkog subjekta Pokret za bolje Brčko-Đapovo Mirsad. Dana 27.01.2021. godine, Osnovni sud u Brčko Distriktu BiH je dostavio akt, broj: 096-0-RegZ-21-000231 kojim je obavjestio Centralnu izbornu komisiju BiH, da je političkom subjektu Pokret za bolje Brčko-Đapovo Mirsad zbog nepotpune dokumentacije odbijen zahtjev za brisanje iz sudskog registra, pa se time postupak obustavlja.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala sve preporuke revizije.

#### **5. NALAZI I PREPORUKE REVIZIJE**

##### **5.1 NALAZI**

**a) Pokret za bolje Brčko-Đapovo Mirsad prekršio je odredbe člana 11. stav (1)<sup>1</sup> i člana 12. stav (1)<sup>2</sup>, (4)<sup>3</sup> i (5)<sup>4</sup> Zakona o finansiranju političkih stranaka.**

Pregledom godišnjeg finansijskog izvještaja i druge finansijske dokumentacije, utvrđeno je da Pokret za bolje Brčko-Đapovo Mirsad u Bilansu stanja i godišnjem finansijskom izvještaju nije evidentirao

<sup>1</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>2</sup> Politička stranka vodi evidenciju o svojim prihodima i rashodima.

<sup>3</sup> Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

<sup>4</sup> Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

potpune i tačne evidencije o obavezama, čime je prekršio odredbe člana 11. stav (1) i člana 12. stav (1) Zakona o finansiranju političkih stranaka. Stranka nije dostavila svu traženu dodatnu dokumentaciju i nije obrasce godišnjeg finansijskog izvještaja za 2019. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (4) i (5) Zakona o finansiranju političkih stranaka.

- (1) Stranka je u obrascu 2 (pregled prometa svih transakcionih računa političke stranke) godišnjeg finansijskog izvještaja pogrešno iskazala podatke o prometu na transakcijskom računu, čime je prekršila odredbe člana 11. Pravilnika.

Stranka je u obrascu 2 iskazala početni saldo u iznosu od 0,00 KM, promet ulaza u iznosu od 0,00 KM, promet izlaza u iznosu od 0,00 KM i stanje na dan 31.12.2019. godine u iznosu od 0,00 KM. Pregledom analitičke kartice prometa transakcijskog računa stranke, broj: 1414555320016057 kod Bosna Bank International d.d. Sarajevo, utvrđeno je da je početni saldo iznosio -0,58 KM, promet ulaza je iznosio 0,00 KM, promet izlaza je iznosio 102,00 KM, a saldo na dan 31.12.2019. godine je iznosio -102,58 KM.

- (2) Stranka u Bilansu stanja i obrascu 5 (obaveze političke partije) godišnjeg finansijskog izvještaja nije evidentirala svoje obaveze, čime je prekršila odredbe člana 24. Pravilnika.

Na osnovu podataka iz službenih evidencija koje vodi Centralna izborna komisija Bosne i Hercegovine, utvrđeno je da stranka u Bilansu stanja i godišnjem finansijskom izvještaju za 2019. godinu nije iskazala obaveze po osnovu neplaćene kazne u iznosu od 1.500,00 KM, čime je prekršila odredbe člana 21, 22. i 24. Pravilnika.

Uvidom u Odluku broj: 05-1-07-6-473/18 od 20.12.2018. godine od 20.12.2018. godine utvrđeno je da je Centralna izborna komisija Bosne i Hercegovine političkoj stranci Pokretu za bolje Brčko-Đapo Mirsad zbog kršenja odredaba Zakona o finansiranju političkih stranaka izrekla novčanu kaznu u iznosu od 1.500,00 KM.

S obzirom da stranka nije platila novčanu kaznu, obaveza stranke po osnovu neplaćene kazne na dan 31.12.2019. godine iznosi 1.500,00 KM, što je stranka trebala evidentirati u poslovnim knjigama i iskazati u obrascu 5 (obaveze) godišnjeg finansijskog izvještaja.

- (3) Dana 26.08.2020. godine, Centralna izborna komisija Bosne i Hercegovine je Pokretu za bolje Brčko-Đapo Mirsad uputila Zahtjev za dostavljanje dodatne dokumentacije za 2019. godinu, kojim je od stranke traženo da dostavi: Kopiju godišnjeg obračuna za 2019. godinu, Bruto bilans stranke na dan 31.12.2019. godine, Glavnu knjigu sa kompletnim analitičkim evidencijama za period 01.01.- 31.12.2019. godine, dokumentaciju o korištenju poslovnih prostora u 2019. godini, za sve organizacione dijelove političke stranke (dokaze o vlasništvu nad nekretninama, ugovore o zakupu, odluke ili izjave) i kopiju izvoda sa transakcijskog računa za period 01.01.-31.12.2019. godine, broj: 1414555320016057 kod UniCredit banke,

U ostavljenom roku stranka nije dostavila svu traženu dodatnu dokumentaciju, i to: Bruto bilans na dan 31.12.2019. godine, Glavnu knjigu sa kompletnim analitičkim evidencijama za period 01.01.- 31.12.2019. godine, dokumentaciju o korištenju poslovnih prostora u 2019. godini, (dokaze o vlasništvu nad nekretninama, ugovore o zakupu, odluke ili izjave) i kopiju izvoda sa transakcijskog računa za period 01.01.-31.12.2019. godine, broj: 1414555320016057 kod UniCredit banke, čime je prekršila odredbe člana 12. stav (5) Zakona o finansiranju političkih stranaka.

## 5.2. PREPORUKE

*Preporučuje se Pokretu za bolje Brčko-Đapò Mirsad da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja i drugu dokumentaciju koju od nje zatraži Centralna izborna komisija Bosne i Hercegovine.*

### **KOMENTAR**

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2019. godinu.

Pomoćnik revizora

Mr.sc. Goran Cicović

šef Službe za reviziju

Mr.sc. Hasida Gušić